

Einde 2017

6 Desember 2017

Geagte Ouers

Wat 'n wonderlike en geseënde jaar was dit nie! 2017 sal ongetwyfeld onthou word vir sy suksesse en voorspoed. Ja, daar was moeilike tye, maar ons dank ons Hemelse Vader vir sy bystand en hulp. Ons het daardeur gekom en net nog meer seën ervaar.

Ons wens elke gesin 'n baie Geseënde Kersfees toe. Mag die Christusvrede elkeen van u omvou en mag elke familie 'n wonderlike tyd saam ervaar.

Mag 2018 vir elkeen van u 'n oorvloed blydskap, vrede en geluk inhou. Ry versigtig, rus lekker en kom veilig terug!

Meriete-aand

Ons opregte dank aan Exceed Chartered Accountants wat die onlangse Meriete-aand geborg het. Ons waardeer u belangstelling in ons skool opreg.

Die Burger-Kersfonds

Baie dankie aan elkeen wat by ons Dankdiens tot hierdie verdienstelike saak bygedra het. Hou gerus Die Burger dop om te sien wanneer ons bydrae gepubliseer word.

Dankie aan OOV

Aan ons OOV-span wil ons 'n besondere woord van dank rig vir die geweldige groot taak wat hulle hierdie jaar só suksesvol verrig het.

Die tyd en energie wat elke OOV-lid opgeoffer het om al die projekte so suksesvol af te handel, word opreg waardeer. De Hoop is werklik bevoorreg om met so 'n voortreflike span te kan spog.

Ons wens julle ook 'n aangename tyd van rus saam met julle gesinne toe.

Personeel 2018

Aan die einde van hierdie jaar neem ons van die volgende personeel afskeid:

- Mev. Jana Meyer (Gr 5A3) sal volgende jaar 'n ruskansie neem en sal weer in 2019 terugkeer.
- Me. Jade Mayne (Gr 5E2) verlaat ons na bietjie meer as 'n jaar om voltyds op haar hokkieloopbaan te fokus. Ons wens haar alle voorspoed toe.
- Mnr Rian Esterhuysen (Gr 6A3) verlaat ons. Hy het in die plek van Me. Monique Jansen van Rensburg waargeneem wat op kraamverlof was.

- Me Wilmari Reynecke (Musiek) verlaat ons musiekdepartement. Sy het 'n pos elders aanvaar.
- Me Leonie van Niekerk (Musiek) het ons in die musiekdepartement uitgehelp, eers op 'n tydelike basis en daarna permanent.
- Mnr Jan Gerber (Skoolopsigter) tree af na 5½ jaar by De Hoop.
- Me Reinette Gerber (Gr 1 Assistent) verlaat ons om haar welverdiende aftrede te geniet.
- Me Arina le Roux (Nasorg) tree ook af. Sy is sedert 2012 by De Hoop.

Dankie aan elkeen van hierdie personeellede vir hulle lojaliteit en diens oor die jare. Ons wens hulle alle voorspoed toe vir hulle toekoms.

Ons heet graag die volgende personeellede welkom wat in 2018 by ons aansluit:

- Me. Kristen Bruwer – Gr 1E1
- Mev. Marise Viljoen – Gr 5E2
- Mnr. Ulrich Gunter – Gr 5A3
- Mev. Carin de Beer – Musiekdepartement
- Mev. Anneke van Loggerenberg – Musiekdepartement

Ons vertrou dat hulle almal baie gelukkig by ons sal wees en dat hulle gou deel van die De Hoop-familie sal word.

Personeel

Die 2018 registeropvoeders sien as volg daaruit: (Graadhoofde is in **vetgedruk**)

| | |
|--------|-----------------------|
| Gr 1A1 | Mev C. Beukes |
| Gr 1A2 | Mev Y. Botha |
| Gr 1A3 | Mev. D. Kotze |
| Gr 1A4 | Me M le Roux |
| Gr 1E1 | Me K Bruwer |
| Gr 1E2 | Mrs C. Hutton |
| Gr 2A1 | Mrs M. Neethling |
| Gr 2A2 | Mev M. Gaus |
| Gr 2A3 | Mev L. van Zyl |
| Gr 2A4 | Mev C. Weidemann |
| Gr 2E1 | Mrs B. Honner |
| Gr 2E2 | Mrs C. Coetzee |

| | |
|--------|----------------------------|
| Gr 3A1 | Mev M. Allers |
| Gr 3A2 | Mev L. Barnard |
| Gr 3A3 | Mev E. le Roux |
| Gr 3A4 | Mev M. Strydom |
| Gr 3E1 | Mrs A. Thiar |
| Gr 3E2 | Mrs J. Krynauw |
| Gr 4A1 | Me T. Smuts |
| Gr 4A2 | Me L. Cilliers |
| Gr 4A3 | Mev C. Maree |
| Gr 4A4 | Me C. Prins |
| Gr 4E1 | Ms M. van der Merwe |
| Gr 4E2 | Mrs R. Burger |
| Gr 5A1 | Mev A. Noordman |
| Gr 5A2 | Mnr N. Furno |
| Gr 5A3 | Mnr U. Gunter |
| Gr 5A4 | Mev L. Wichers |
| Gr 5E1 | Mr L. Joseph |
| Gr 5E2 | Mrs M. Viljoen |
| Gr 6A1 | Me M. Dearlove |
| Gr 6A2 | Mev T. Hoffmann |
| Gr 6A3 | Mev M. Jansen van Rensburg |
| Gr 6A4 | Me L. du Toit |
| Gr 6E1 | Mrs L. Jansen van Rensburg |
| Gr 6E2 | Mr D. Neethling |
| Gr 7A1 | Mev L. Basson |
| Gr 7A2 | Me K. Brown |
| Gr 7A3 | Mev B. Smit |
| Gr 7A4 | Mev H. Botha |
| Gr 7E1 | Mr H. Herrewyn |
| Gr 7E2 | Mr S. Sharp |

Finansies

Debietorders

Alle debietorders wat met die laaste twee aftrekkings van 2017 aktief was, sal in 2018 voortgaan. Bedrae sal volgens die nuwe skoolfooi en aantal kinders in die skool aangepas word. Die eerste aftrekking sal gedoen word op 1 Februarie 2018 en daarna op die 1ste van elke maand.

Ons versoek dat ouers hul bankstate ná hierdie aftrekking noukeurig sal nagaan en die finansiële kantoor sonder versuim in kennis sal stel indien enige foute gevind word. Neem asseblief kennis dat indien die vordering onsuksesvol was, die agterstallige bedrag die volgende maand gehef sal word. Sou u besluit om nie

meer van die debietorderstelsel gebruik te maak nie, moet u die finansiële kantoor voor die 15de van die maand SKRIFTELIK verwittig.

Skoolfonds 2018

R 16 390 per jaar (**R1 490** x 11 mnde Jan - Nov)

- Eenmalig voor 31 Desember = **6,5%** korting (R 16 390 – R1 065 = **R 15 325**)
- Eenmalig voor 31 Januarie = **5,5%** korting (R 16 390 – R 901 = **R 15 489**)

2 betalings voor 31 Januarie en 30 Junie = **3,5%** korting (R16 390 ÷ 2 = R 8 195.00 – R286.00 = **R 7 909**)

Nasorg 2018

R11 160 per jaar (**R1 116** x 10 mde (Feb – Nov)

- Eenmalig voor 31 Desember = **6,5%** korting (R11 160 – R 725.00 = **R10 435.00**)
- Eenmalig voor 31 Januarie = **5,5%** korting (R11 160 – R 725.00 = **R10 547.00**)

2 betalings voor 31 Januarie en 30 Junie = **3,5%** korting (R11 160 ÷ 2 = R 5 580 – R 195 = **R 5 385**)

| | |
|----------|-------------------|
| Uur | R 45 |
| Dag | R100 |
| Vakansie | R100/dag nie-lede |
| | R 45/dag lede |

2018 Voorlopige datums

Die voorlopige datumlys vir die eerste kwartaal is hierby ingesluit. Die finale weergawe sal volgende jaar op die Kommuniqueerder geplaas word.

2018 Eerste kwartaal buitemuurse rooster

Die buitemuurse rooster is op die Kommuniqueerder gelaai vir u gerief.

De Hoop's got Talent

Volgende jaar sal hierdie talentkompetisie in die eerste kwartaal op 16 Maart plaasvind. 'n Brief in hierdie verband is op die Kommuniqueerder gelaai.

JW Cillie
SKOOLHOOF
www.dehoopps.co.za